



Il Fränzli Domenic Janett lascha dudir sia proposta per l'accompagnamaint d'ün toc.



Men Steiner muossa als partecipants la chanzun da la storta da Crusch.

Lavuratori Fränzlis cun tants partecipants sco mai

Lavuratori da musica e chant dal festival Xong

DA FLURIN ANDRY / ANR

■ Eir per l'ultima ediziun dal festival spordscha il XONG lavuratori da musica e chant. Da quel dals Fränzlis a Tschlin piglian part 37 personas ill'età da desch fin settanta ons. Our da la sala polivalenta da Tschlin as doda vuschs e suns dad instrumaints: Las 37 partecipantas e partecipants dal lavuratori dals Fränzlis sun pronts per cumanzar. Il lavuratori vain manà dals Fränzlis Domenic e Curdin Janett e da sia figlia Madlaina Janett sco eir da Men Steiner. Per cumanzar muossa el als preschaints la chanzun 'A Crusch rivà pro l'ustaria'. Lura surpiglia Domenic Janett la direziun, cun sia clarinetta suna'l la melodia d'ün dals tocs da musica populara cha'ls partecipants impredan quist'eivna e propuona lura differentas variantas per accompagnar. «Pro nos lavuratori nu faina be musica», infuormescha Men Steiner, «in chantond chanzuns rumantschas preschantaina eir la lingua e cultura rumantscha.»

Musica populara chi's müda

Duos terzs dals 37 partecipants dal lavuratori d'ingon derivan da la Svizra bassa, duos vegnan da Vienna ed ün da München, ils oters sun indigens. La gronda part dals partecipants d'utrò cugnuschai-



Al lavuratori dals Fränzlis a Tschlin as partecpeschan musicists da minch'età.

FOTOS FANDRY

van fingià l'Engiadina Bassa, han fat qua vacanzas o chi possedan üna chasa o ün'abitaziun da vacanzas illa regiun. Ils oters sun gnüts causa chi cugnuschian ed han jent la musica dals Fränzlis da

Tschlin. Ils blers sunan la clarinetta, oters trumbetta, saxofon, orgel da man, gia, güon, guitarra, cello, flöta e flöta a travers, clavazin ed apret. «La musica populara vain datta inavant da bocca o instru-

maint ad uraglia, minchün suna sco ch'el doda e resainta la melodia», disch Men Steiner, «nos böt es perquai da sunar plübler pussibel our dad oura, minchün dess avoir il spazi necessari dad esser spon-

tan.» La saira dan ils partecipants pitschens concerts mincha jada sün ün'otra piazza da Tschlin. Fin la fin da l'eivna varan ils partecipants ün repertori da 10 tocs, per part tradiziunals, per part novas cumposiziuns dals Fränzlis. Causa mancanza da finanzas sarà il XONG 2010 l'ultim dals festivals dals trais pajais. Quai nu vuol però dir cha quist saja eir l'ultim lavuratori culs Fränzlis: «Il grond interess per nossa sporta ans motivescha d'examinar schi nu dess la pussibilità d'organisar eir prossem on darcheu quist lavuratori», manzuna Men Steiner.

Concert final i'l chastè da Danuder

Parallelmaing al lavuratori a Tschlin culs Fränzlis per instrumaints da flà e da cordas vegnan realisats quist'eivna a Damal amo duos lavuratori musicals: Il prim per instrumaints da tola culla fuormaziun Mnozil Brass e tschel per instrumaints cun cordas e d'oters geners cullas fuormaziuns Aufstrich, ils Tanzgeigers e giasts. In venderdi, ils 30 lügl, a las 16.00 invidan ils partecipants da tuot ils lavuratori musicals i'l chastè da Danuder per las rapreschantaziuns finalas. Ils audituors pudaran dudir il repertori cha'ls musicists han exercità insembel d'ürant l'eivna dal XONG 2010.

Show dad aviuns da model a Samedan

■ (anr) Quist an as chattan darcho ils meglers pilots dad aviuns da model sülla piazza aviatica a Samedan. Els preschaintan models dad aviuns da militer, elicopters, aviuns da vela ed oter pü. Al di da la festa naziunela federela ho lö la 21evla show dad aviuns da model. Quel di muossan ils pilots al public quaut sentimaint cha que vuol per diriger models chi rivan da svuler fin a

300 kilometers l'ura. Ils visitaduors nu paun be observer aviuns in acziun. Els haun eir la pussibilit da contempler in tuotta calma ils models parcos. Uschè es que pussibel da vzair cun quanta chüra, creativited ed energia cha'ls aviuns sun gnies construius. Ultra dals aviuns da model muossa la show eir otras atracziuns, scu p.ex. ün svoul acrobatic cun ün aviun a vela cul pilot Christian

Flütsch. Impü demonstrescha la Heliberrina eir quist an ün ballet cun sieus elicopters. Cun excepziun da las 12.00 fin las 13.00 es la pista serreda pel trafic aviatic reguler tuot il di. Il program vain accompagno dad ün moderatur. Pel damanger pissera Reto Mathis cun sia equipa dal Corviglia. Els cuschinan sper il Center d'equitaziun in vicinanza da la piazza aviatica. Il di zieva demonstreschan chavals dad och differentas razzas quaut fermes ed elegants cha sun. Per trategnimaint do que eir

Dis da sport cun chavals a Samedan

■ (anr) Quist an haun lö ils prüms dis da sport cun chavals ill'Engiadina. D'ürant la sted do que üna spüerta vasta taunt per indigens scu eir per giasts fascinoss per chavals. Els organisatuors dals Dis da sport cun chavals a Samedan haun per böt da muosser al public interess üna paletta da differentes sports cha's po fer cun chavals. Traunter oter gnaron preschantedas shows da chavalger, cuorsas cun chars, però eir differentas variantas da polo u horseball. In mardi cumainza il program cun cuorsas da chars, staffettas per iffaunts cun ponies e da voltischer, que chi vuol dir fer exercizis acrobatics sülla rain dal chavagl in movimaint.

In marculdi ho lö üna concorrenza da sagliir sur obstaculs, polo e horseball, üna cumbinaziun da ballamaun e da basket cun chavals. Il di vain accompagno da la band da rock ChueLee. Per il damanger pissera Reto Mathis cun sia equipa dal Corviglia. Els cuschinan sper il Center d'equitaziun in vicinanza da la piazza aviatica. Il di zieva demonstreschan chavals dad och differentas razzas quaut fermes ed elegants cha sun. Per trategnimaint do que eir

ün matsch sün Segways traunter profis da polo e quels da Segways. Ün'otra atracziun saregia l'offroad kjöring, üna cumbinaziun da sport da chavals ed inline skating, que chi fero gnir la pel gillina als visitaduors. Per der ün impreschiun a laics cu cha polo funcziuna vain installo ün simulatur uschè cha minchün ho per ün mumaint il sentimaint dad esser ün profi.

Promouwer sport cun chavals in Engiadina ed in Svizra

La St. Moritz Polo AG ho scu ch'ella comunichescha l'intenziun da render l'Engiadina cuntschainta scu regiun atractiva per personas paschiunedas per l'equitaziun.

Per fer dvanter pü populer il sport cun chavals organisescha la firma l'occurrnza surmanzuneda ill'eivna traunter ils duos Concours Hippiques a San Murezzan ed a Zuoz. A lunga vista planiseschan ils organisatuors cuors da polo per gliedü giuvna. Els Dis da sport cun chavals haun lö dals 3 avuost a las 10.30, fin als 5 avuost a las 15.30 sülla piazza aviatica da Samedan.



Da quists ed dad oters models d'aviuns svularon als 1. avuost a Samedan.

MAD